



Na osnovu Zaključka o usvajanju Postupka i kriterija za odobravanje i dodjelu (refundiranja) finansijskih sredstava namjenjenih subvencioniranju investicija kod obrta iz područja prerađivačkih djelatnosti, broj: broj:02-14-16107/12 od 17.07.2012. godine, Zaključka Vlade Kantona o usvajanju Programa utroška budžetskih sredstava u 2012. godini - Ministarstva za privredu – subvencije preduzećima u privatizaciji i poticaj u industriji, broj: 02-14-15234/12 od 28.06.2012. godine, Ministarstvo za privredu, raspisuje

JAVNI POZIV
za prikupljanje zahtjeva za odobravanje i dodjelu (refundiranje) finansijskih sredstava
namijenjenih subvencioniranju investicija kod obrta iz područja prerađivačkih djelatnosti

1. Pozivaju se investitori registrovani u Bosni i Hercegovini, koji proizvodnu investiciju realiziraju u obrtničku prerađivačku djelatnost na području Zeničko-dobojskog kantona, da podnesu Zahtjev za odobravanje i dodjelu nepovratnih finansijskih sredstava obezbijedenih za subvencioniranje dijela administrativnih troškova izgradnje proizvodnih objekata i nabavku osnovnih sredstava.

Pod proizvodnim objektom, u duhu ovog poticaja, podrazumjevaju se uređeni građevinski prostori površine tlocrta od 20 do 200 m², sagrađeni sa namjenom i u svrhu realizacije proizvodne obrtničke djelatnosti za koju je obrtnik obezbijedio upotrebnu dozvolu prema Zakonu o građenju izdatu od nadležnog organa nakon 01.01.2010. godine.

Pod investicijom, u duhu ovog poticaja, podrazumijevaju se utrošci nastali tokom izgradnje objekata, nabavke mašina i opreme (osnovnih sredstava) uredno evidentirani, nakon 01.01.2009. godine.

Korisnici sredstava poticaja su obrtnici registrovani u Zeničko-dobojskom kantonu po Zakonu o obrtu ("Službene novine Federacije BiH", broj: 52/02), sa Popisa vezanih obrta i zanimanja, ("Službene novine Federacije Bosne i Hercegovine", broj: 64/05), te Popisa tradicionalnih zanata, ("Službene novine Federacije Bosne i Hercegovine", broj: 62/05) iz područja djelatnosti C-Prerađivačka industrija, za koju posjeduju dozvolu za obavljanje djelatnosti izdatu od nadležnog organa najmanje 12 mjeseci prije, računajući od dana podnošenja zahtjeva.

Subvencije po ovom programu neće se odobravati obrtnicima koji su već koristili podsticaje Vlade Kantona, po osnovu regresiranja kamata i subvencioniranja administrativnih troškova. Također, podsticaji se neće odobravati za dopunske djelatnosti.

2. Investitoru će se nakon uredne prijave i procedure odlučivanja odobriti sredstva u jednokratnom iznosu prema slijedećim kriterijima:

- a) Po osnovu izgradnje objekta za obavljanje obrtničke djelatnosti, obrtniku će se odobriti sredstva određena prema slijedećoj tabeli:

Minimalna površina tlocrta objekta /m²/	Iznos sredstava poticaja /KM/
20	1.000,00
30	1.200,00
40	1.600,00
50	2.000,00
60	2.400,00
70	2.800,00
80	3.200,00
90	3.600,00
100	4.000,00
110	4.400,00
120	4.800,00
130	5.200,00
140	5.600,00
150	6.000,00
160	6.400,00
170	6.800,00
180	7.200,00
190	7.600,00
200	8.000,00

- b) Po osnovu nabavke objekta, opreme i mašina, kao osnovnih sredstava, za obavljanje obrtničke djelatnosti, obrtniku će se odobriti sredstva u jednokratnom iznosu od 5% od ukupne visine investicije, koja može biti minimalno 10.000,00 i maksimalno 100.000,00 KM.
- c) Korisnicima podsticaja, koji se bave djelatnostima sa liste tradicionalnih zanata iz područja C, („Službene novine Federacije Bosne i Hercegovine“, broj: 62/05), ukupan iznos pripadajućih sredstava iz tačaka a) i b) se uvećava za 5%.
- d) Korisnicima poticaja mlađim od 35 godina, računajući na dan podnošenja zahtjeva, ukupan iznos poticajnih sredstava iz tačaka a) i b) se uvećava za 10%.
3. Ukupni iznos sredstava koja se mogu odobriti i isplatiti korisniku ovog poticaja je 30.000,00 KM, a odnosi se na realizaciju obrtničke djelatnosti u više obrtničkih radnji (izdvojeni prostor). Sredstva su u ovom iznosu limitirana na navedeni maksimalni iznos po više osnova:
- po jednom subjektu – korisniku,
 - po više objekata (izdvojenih prostora) registrovanih po Zakonu o obrtu,
 - u okviru jedne godine dana
4. Uz zahtjev za odobravanje poticajnih sredstava Investitor je dužan dostaviti slijedeće priloge:
- Original ili ovjerenu kopiju Odobrenja – rješenja za obavljanje djelatnosti prema Zakonu o obrtu („Službene novine Federacije BiH“, broj 52/02) (izdato 12 mjeseci prije podnošenja zahtjeva), računajući od dana podnošenja Zahtjeva,
 - Original ili ovjerenu kopiju Odobrenja Rješenja za upotrebu objekta, izdatu od nadležnog organa, nakon 01.01.2010. godine,
 - Original ili ovjerenu kopiju nedvosmislenog dokaza o utrošcima u osnovna sredstva nastalim u toku realizacije investicije, nakon 01.01.2010. godine,
 - Original ili ovjerene kopije urednih dozvola za osnovna sredstva, izdate od nadležnog organa,
 - Original ili ovjerenu kopiju Uvjerenja o uredno izmirenim porezima, ne starije od 60 dana, računajući od dana podnošenja zahtjeva,
 - Original ili ovjerenu kopiju Uvjerenja o uredno izmirenim doprinosima za penzijsko-invalidsko osiguranje, ne starije od 60 dana, računajući od dana podnošenja zahtjeva,

- Original ili ovjerenu kopiju Uvjerenja o uredno izmirenim doprinosima za zdravstveno osiguranje ne starije od 60 dana, računajući od dana podnošenja zahtjeva,
 - Ovjerenu kopiju lične karte u slučaju da je obrtnik mlađi od 35 godina, računajući od dana podnošenja zahtjeva.
5. Po uredno prispjelim Zahtjevima, ocjenu i mišljenja dat će Komisija Ministarstva za privredu, poštujući hronologiju prijema u protokolu Kantona. U slučaju da komisija ocjeni da nisu ispunjeni svi uslovi za odobravanje sredstava – regresa, Ministarstvo za privredu će donijeti Zaključak o odobijanju zahtjeva podnosioca.
6. Na osnovu Izvještaja o ocjeni i pozitivnom mišljenju Komisije, sa fotodokumentacijom, Ministarstvo za privredu će predložiti Vladi Kantona donošenje Odluke o odobravanju subvencioniranja investicije obrtnika, za svaki zahtjev pojedinačno i za tekuću godinu.
Vlada Kantona može opozvati donesene odluke zavisno od dinamike priliva budžetskih sredstava.
- Na osnovu Odluke o odobravanju regresiranja kamata i uredno podnesenog Zahtjeva za refundaciju, Ministarstvo za privredu će Ministarstvu financija podnijeti Nalog za isplatu poticaja.
7. Zahtjeve za odobravanje poticaja namjenjenih za subvencioniranje investicija kod obrta iz područja prerađivačkih djelatnosti investitori trebaju dostaviti na adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA
ZA ODOBRAVANJE I DODJELU POTICAJA KOD OBRTA
Kučkovići br. 2
Zenica, 72 000

Sve dodatne informacije mogu se dobiti na telefone Ministarstva za privredu: 032/405-703 i 032/406-159 ili telefax: 404-861 ili E-mail: min.privrede@zdk.ba, te na web stranici: www.zdk.ba.